





## LG -UP

लैफ्टिनेंट गवर्नर मनोज सिन्हा होरें भारत गी इक अगुआ राष्ट्र बनाने- इक बड्डी विश्व शक्ति बनाने ते ज्ञान दे इक बड्डे केन्द्र च तब्दील करने सरबन्धी त्रै चाल्ली दे प्रस्तास भविक्ख लेई पेश कीते। उ'नें आखेया जे हर इक बसनीक गी पूरी जिम्मेदारी दे कन्नै अपनी शानदार विरासत दा सम्मान करना लोइचदा ऐ। एल.जी होरें एह गल्ल देवरिया- उत्तर प्रदेश च इक सार्वजनिक कार्यक्रम दरान बोलदे होई आखी। इस मौके पर बोलदे होई उ'नें आखेया जे भारत अज्ज आर्थिक विकास दी इक नमीं कहानी लिक्खदे होई सभ्यतागत जागृति दा गवाह बी बना करदा ऐ। उ'नें आखेया जे अज्ज अस ओकड़े दौर च पुज्जी गेदे आं- जित्थे विकास दी हर दिशा च इक नमीं ऊर्जा प्रवाहित होआ करदी ऐ।



## JK Budget Session

जम्मू-कश्मीर विधानसभा दे बजट इजलास दा पैहला गेइ कल सम्पन्न होई गया। स्पीकर अब्दुल रहीम राथर होरें ऐलान कीता जे 2026-27 आले बजट लेई विनियोग विधेयक गी पास करने गितै औंदी 27 मार्च गी विधानसभा दी बैठक परतियै लग्गोग। नमें माली ब'रे दौरान सरकारी खर्चे गी औपचारिक तौर पर मंजूरी देने लेई इस बिल दा पास होना मता जरुरी ऐ। बजट इजलास दे दुए गेइ दे दरान विधानसभा च प्राइवेट मैम्बरें सरबन्धी बिल सनें होर दुआ सरकारी कम्मकाज बी तोढ़ चाढ़ेया जाहग। तोंआई विधानसभा च कल दिन भर चली दी चर्चा दे बाद “ध्वनि मत” दे राहें बक्ख-बक्ख सरकारी मैहकमें लेई ग्रांट मंगें गी कल मंजूरी दिती

गेई। इंदे च सूचना टैक्नॉलोजी, खुराक, सिविल सप्लाई ते उपभोक्ता मामलें सनें ARI ते सिखलाई, ट्रांसपोर्ट, युवा सेवाएं ते खेड्डें ते साईस ते टैक्नॉलोजी मैहकमे लेई ग्रांट मंगां शामिल हियां। चर्चा दा परता दिंदे होई मंत्री सतीश शर्मा होरें सदस्यें गी उन्दे सुझाएं लेई धन्नवाद दिता ते आखेया जे सरकार प्रशासनिक सुधारें, डिजिटलीकरण ते सेवाएं दी असरदार दस्तयाबी लेई वचनबद्ध ऐ।

<><><><><><>

### **GOC Visit**

व्हाईट नाईट कोर दे जनरल अफसर कमांडिंग जनरल पी.के. मिश्रा होरें पुंछ जिले दे बलनोई सैक्टर दा दौरा लाया ते घुसपैठ रोधी उपाएं ते कब्जा रेखा पर कारवाइयें सरबन्धी तयारियें दा जायजा लैता। मगरा क्रॉस स्वाॅर्ड्स डिवीजन दे जी.ओ.सी. हुंदे कन्नै उनें राजौरी जिले दे सुंदरबनी सैक्टर दे अगड़े दे इलाके दा मुआयना कीता- तांजे घुसपैठ दी होई दी कोशश गी कामयाब तरीके कन्नै रोकने दे बाद- सुरक्षा स्थिति दा जायजा लैता जाई सकै। सेना नै आखेया ऐ जे सैनिक कब्जा रेखा पर सोगे सतर्क रौहन्दे न ते उच्चे स्तर दी कारवाइयें गी बरकरार रखदे न।

<><><><><><>

### **PM- Man Ki Baat**

प्रधानमंत्री नरेन्द्र मोदी कल बड्डलै 11 बजे आकाशवाणी पर हर म्हीने प्रसारित होने आले कार्यक्रम मन की बात राएं लोकें कन्नै अपने विचार सांझे करगंन। ए इस महावार रेडियो

कार्यक्रम दी 131मीं किश्त होग। ए कार्यक्रम आकाशवाणी ते दूरदर्शन दे समूलचे नैटवर्क AIR समाचार, डी.डी. न्यूज, AIR समाचार दी वैबसाईट ते AIR दी मोबाईल ऐप्प पर बी प्रसारित कीता जाग। एदे कन्नो-कन्नी एह् प्रधानमंत्री हुंदे दफ्तर ते सूचना ते प्रसारण मंत्रालय दे यू.ट्यूब चैनल पर बी प्रसारित कीता जाग। आकाशवाणी पर एदे हिंदी प्रसारण दे तुरत मगरा क्षेत्रीय भाषाएं च प्रसारण कीता जाग।

<><><><><><>

### **Prog. Announcement (Teaser)**

आकाशवाणी जम्मू दा क्षेत्रीय समाचार एकांश अंतरराष्ट्री मां बोली ध्याड़े- दे सरबंधै च अज्ज 30 मिंटे दी अवधि आला इक खास कार्यक्रम प्रसारित करने जा'रदा ऐ। इस खास प्रसारण दा विशेषार ऐ-Youth Voices on Multilingual Education यानि बहुभाषी शिक्षा बारे नौजोआनें दी आवाज। एह् कार्यक्रम अज्ज दपैहरी साडे 12 बजे प्रसारित कीता जाहग। यूनिवर्सिटी ऑफ जम्मू दे डोगरी विभाग दिआं साबका प्रमुख प्रो. वीणा गुप्ता होर एहदे च स्हाड़ी परौहिनयां न जेड़ियां इस विषे पर अपने माहिराना विचार स्हाड़े कन्नै सांझे करडन। इस कार्यक्रम दी मेजबानी स्हाड़ी न्यूज एंकर श्रुति खजुरिया होर करडन। पेश ऐ इस कार्यक्रम दी इक लौहकी जनेई झलकी .

<><><><><><>

ते हुंन बाकि दिएं खबरें कन्नै कुणाल श्रीवत्स:-

<><><><><><>

## Railway JK

उत्तर रेलवे नै कश्मीर घाटी दे बडगाम ते श्री माता वैष्णो देवी- कटरा बश्कार चलने आहली विशेष रेलगड्डी दा संचालन 2 जुलाई तगर बधाई दिता ऐ, तां जे जम्मू संभाग च यात्रियें गी स्थूलत होई सकै ते कश्मीर कन्नै सम्पर्क बेहतर बनाया जाई सकै। बडगाम ते श्री माता वैष्णो देवी, कटरा बश्कार चलने आहली रेल नम्बर 04688 ते 04687 हून 4 मार्च थमां 2 जुलाई तगर चलोग ते एहदे संचालन दे मौजूदा कार्यक्रम च कोई बी तब्दीली नेंई कीती जाग।

<><><><><><>

## Transfer Order

सरकार नै प्रशासन गी सखल्ला बनाने लेई 22 आई.ए.एस ते जे.के.ए.एस. अफसरें दे फौरी प्रभाव कन्नै तबादले ते तैनाती दे हुक्म जारी कीते न। महत्वपूर्ण तब्दीलियें च मिंगा शेरपा होरें गी उधमपुर दा डिप्टी कमीशनर, अभिषेक कुमार होरें गी रियासी दा डिप्टी कमीशनर, कृष्ण लाल होरें गी डोडा दा डिप्टी कमीशनर, अतहर आमिर उल शफी खान होरें गी बडगाम दा डिप्टी कमीशनर ते शहजाद आलम होरें गी कुलगाम दा डिप्टी कमीशनर नियुक्त कीता गया ऐ। हरविंदर सिंह होरें गी जम्मू-कश्मीर दे रोजगार निदेशक दी जिम्मेदारी सौंपी गई ऐ। तोंआई बिलाल मोहिउद दीन भट्ट होरें अनंतनाग दे डिप्टी कमीशनर दा ओहदा सांभी लैता ऐ। यशा मुदगल, शाहिद इकबाल चौधरी ते अश्विनी कुमार सनें केंई सीनियर अफसरें गी बी प्रशासन दे हितै च महत्वपूर्ण मैहकमें च परतियै नियुक्त कीता गया ऐ।

<><><><><><>

## KIWG Prep

गुलमर्ग च ऑंती 23 फरवरी थमां शुरु होने आहली “खेलो इंडिया विंटर गेम्स 2026” दे दुए चरण लेई त्यारियां जोरे-शोरें कन्नै चला करदियां न। देशै दे बक्ख-बक्ख हिस्सें थमां 400 शा मते खडारियें इस आयोजन लेई गुलमर्ग पुज्जगंन- जित्थे ओह Alpine Skiing, Nordic Skiing, Ski Mountaineering ते Snow Boarding दे मुकाबले च अपना आयोजकें, सुरक्षा सनें लोडचदे ढांचे ते खडारियें ते होरनें सरबंधत लोकें दे रौहने-बौहने लेई सब्बै बंदोबस्त करी लैते दे न। एह आयोजन 26 फरवरी तगर जारी ते एहदा मकसद स्यालु खेड्डें ते सैलसफा गी बढावा देने दे कन्नो-कन्नी नौजवानें गी भारत दे बधदे खेड्ड तंत्र कन्नै जुडने लेई प्रेरित करना बी ऐ। इस सरबंधै च अपने बचार सांझे करदे होई किश खेड्ड प्रेमियें आखेया.



## Ramban Pollution Control

रामबन च प्रदूषण नियंत्रण बोर्ड नै जम्मू-कश्मीर राष्ट्रीय जरनैली सिडक -44 गलियारें पर भारी निर्माण कम्में दे चलदे पर्यावरण सरबंधी मानकें गी बनाई रक्खने लेई जतन तेज कीते न। साहडे संवाददाता दे मुजब बोर्ड नियमित तौरा पर निगरानी- निरीक्षण ते अनुपालन अभियान चला'रदा ऐ- खास तौरा पर निर्माण परियोजनाएं ते औद्योगिक इकाइयें पर ध्यान केन्द्रित कीता जा' रदा ऐ। एहदे इलावा जिला प्रशासन- शिक्षा संस्थानें ते परियोजना एजेंसियें दे सैहयोग कन्नै जागरुकता शिविरें दा आयोजन बी करा'रदाऐ। जंगलात मैहकमे- फौज ते मुकामी स्कूलें दे सैहयोग कन्नै बूहटें लाने ते सफाई अभियान चलाए जा'रदे न।

<><><><><><>